

413.

Na osnovu člana 27 stav 5 Zakona o vinu („Službeni list CG”, broj 41/16), Ministarstvo poljoprivrede i ruralnog razvoja donijelo je

P R A V I L N I K
O NAČINU VOĐENJA REGISTRA ZAŠTIĆENIH OZNAKA PORIJEKLA I GEOGRAFSKIH OZNAKA
VINA I DRUGIH PROIZVODA OD GROŽĐA

Predmet

Član 1

Ovim pravilnikom propisuje se način vođenja registra zaštićenih oznaka porijekla i geografskih oznaka vina i drugih proizvoda od grožđa, bliži način podnošenja zahtjeva za zaštitu oznake porijekla i geografske oznake i provjera usklađenosti specifikacije.

Primjena

Član 2

Ovaj pravilnik primjenjuje se na vino, likersko vino, pjenušavo vino, kvalitetno pjenušavo vino, kvalitetno aromatično pjenušavo vino, biser vino, gazirano biser vino, vino od prosušenog grožđa, vino od prezrelog grožđa i djelimično fermentisanu širu (u daljem tekstu: proizvodi).

Registar zaštićenih oznaka porijekla i geografskih oznaka

Član 3

Registar zaštićenih oznaka porijekla i geografskih oznaka (u daljem tekstu: registar) vodi se u pisanoj i elektronskoj formi i sadrži:

- 1) datum prijema i broj zahtjeva za zaštitu oznake porijekla i geografske oznake;
- 2) podatke o podnosiocu zahtjeva za zaštitu oznake porijekla i geografske oznake;
- 3) naziv zaštićene oznake porijekla i geografske oznake;
- 4) vrstu oznake (oznaka porijekla ili geografska oznaka);
- 5) vrstu proizvoda;
- 6) datum registracije oznake porijekla i geografske oznake;
- 7) broj rješenja o zaštiti oznake porijekla i geografske oznake;
- 8) registarski broj oznake porijekla i geografske oznake;
- 9) internet stranicu na kojoj je objavljena specifikacija proizvoda.

Zahtjev za zaštitu oznake porijekla i geografske oznake proizvoda

Član 4

Zahtjev za zaštitu oznake porijekla i geografske oznake proizvoda, može da podnese bilo koja zainteresovana grupa proizvođača ili pojedinačni proizvođač u opravdanim slučajevima.

Zahtjev iz stava 1 ovog člana, može da podnese zainteresovana grupa proizvođača na određenom vinogradarskom području koja ima više od 50% od ukupnog broja registrovanih proizvođača na tom vinogradarskom području.

Zahtjev za zaštitu oznake porijekla ili geografske oznake može da podnese jedan proizvođač ako:

- 1) je jedini proizvođač vina u određenom vinogradarskom području (regionu/subregionu);

2) su karakteristike vinogradarskog područja čiji naziv treba da se zaštiti kao oznaka porijekla ili geografska oznaka, odnosno karakteristike vina sa tog vinogradarskog područja suštinski različite od karakteristika vinogradarskih područja koja to područje okružuju, odnosno suštinski različite od karakteristika vina sa vinogradarskih područja koja to područje okružuju.

Zahtjev za zaštitu oznake porijekla i geografske oznake proizvoda podnosi se na obrascu 1.

Uz zahtjev iz stava 4 ovog člana, podnosi se sažetak specifikacije proizvoda (u daljem tekstu: jedinstveni dokument), koji je dat na obrascu 2.

Provjera usklađenosti specifikacije proizvoda

Član 5

Specifikacija proizvoda obuhvata naziv proizvoda koji se želi zaštititi, opis proizvoda, enološke postupke koji se koriste prilikom proizvodnje i ograničenja, razgraničenje geografskog područja, maksimalni prinos po hektaru, oznaku sorte ili sorti vinove loze od kojih je proizvedeno vino, detalje o nazivu proizvoda i specifičnom kvalitetu, ugledu ili drugim karakteristikama koje se mogu pripisati tom geografskom porijeklu.

Provjera usklađenosti specifikacije proizvoda vrši se za vrijeme proizvodnje, u toku i nakon odležavanja (sazrijevanja) proizvoda.

Prilikom provjere iz stava 2 ovog člana, radi utvrđivanja ispunjenosti uslova iz specifikacije proizvoda provjeravaju se:

1) vinogradarske parcele i vinarije;

2) proizvodi u bilo kojoj fazi procesa proizvodnje, uključujući fazu punjenja, odnosno pakovanja.

Provjera iz stava 2 ovog člana vrši se:

1) u procesu zaštite oznake porijekla i geografske oznake proizvoda; i

2) svake godine za proizvode sa zaštićenom oznakom porijekla i geografskom oznakom.

Nakon provjere iz stava 4 tačka 1 ovog člana, kontrolno tijelo koje je akreditovano u skladu sa standardom ISO/IEC 17065 sačinjava izvještaj o ispunjenosti uslova za označavanje proizvoda sa oznakom porijekla ili geografskom oznakom (broj boca, pakovanje vina iz date godine berbe), koji dostavlja organu državne uprave nadležnom za poljoprivredu (u daljem tekstu: Ministarstvo), radi donošenja rješenja o zaštiti oznake porijekla ili geografske oznake.

Zahtjev za izmjenu specifikacije proizvoda

Član 6

Korisnik zaštićene oznake porijekla ili zaštićene geografske oznake, može da podnese zahtjev za izmjenu specifikacije proizvoda sa zaštićenom oznakom u slučaju primjene novih naučnih ili tehničkih saznanja ili u slučaju potrebe izmjene utvrđenih granica geografskog proizvodnog područja, ako se tim izmjenama:

1) ne mijenjaju bitne karakteristike vina;

2) ne mijenja povezanost između vinogradarskog područja i vina;

3) ne zahtijeva promjena naziva zaštićene oznake porijekla ili zaštićene geografske oznake;

4) ne utiče na ograničeno vinogradarsko područje;

5) ne uvode ograničenja u prometu vina.

Zahtjev iz stava 1 ovog člana podnosi se na obrascu 3.

Zahtjev za konverziju geografske oznake

Član 7

Zaštićena oznaka porijekla može se konverzijom prevesti u zaštićenu geografsku oznaku.

Korisnici oznake porijekla, odnosno njihovi zastupnici mogu da podnesu zahtjev da se zaštićena oznaka porijekla prevedu u geografsku oznaku, ukoliko se više ne može vršiti ili garantovati proizvodnja u skladu sa specifikacijom proizvoda za zaštićenu oznaku porijekla.

Zahtjev za konverziju oznake porijekla podnosi se na obrascu 4.

Zahtjev za zaštitu tradicionalnih izraza

Član 8

Zahtjev za zaštitu tradicionalnih izraza, koji se koriste uz zaštićene oznake porijekla i geografske oznake podnosi se na obrascu 5.

Obrasci

Član 9

Obrasci 1 do 5 čine sastavni dio ovog pravilnika.

Stupanje na snagu

Član 10

Ovaj pravilnik stupa na snagu osmog dana od dana objavljivanja u „Službenom listu Crne Gore”.

Broj: 320-58/18-3

Podgorica, 29. marta 2018. godine

Ministar,
mr **Milutin Simović**, s.r.

ZAHTJEV ZA ZAŠTITU OZNAKE PORIJEKLA ILI GEOGRAFSKE OZNAKE

Datum prijema zahtjeva (DD/MM/GGGG) (popunjava Ministarstvo)		
Broj stranica (uključujući ovu stranicu)		
Djelovodni broj (popunjava Ministarstvo)		
Podnosilac Zahtjeva		
Ime fizičkog lica ili naziv pravnog lica		
Puna adresa (naziv ulice i broj, mjesto/grad i poštanski broj)		
Pravni status, veličina i sastav (u slučaju pravnog lica)		
Telefon, faks, e-mail		
Naziv oznake za registraciju		
Vrsta oznake	oznaka porijekla*	
	geografska oznaka*	
Kategorija proizvoda od vinove loze		
Jedinstveni dokument (na zasebnom listu)		
Broj stranica (max. 5 stranica)		
Specifikacija proizvoda (na zasebnom listu)		
Broj stranica		
Ime(na) potpisnika		
Potpis(i)		

*precrtati nepotrebno

JEDINSTVENI DOKUMENT

Datum prijema (DD/MM/GGGG) (popunjava nadležna institucija)		
Broj stranica (max. 5 uključujući ovu stranicu)		
Jezik na kojem se podnosi zahtjev*		
Djelovodni broj (popunjava nadležna institucija)		
Podnosilac Zahtjeva		
Ime fizičkog lica ili naziv pravnog lica		
Puna adresa (naziv ulice i broj, mjesto/grad i poštanski broj, država)		
Pravni status, veličina i sastav (u slučaju pravnog lica)		
Državljanstvo*		
Telefon, faks, e-mail		
Posrednik*		
Država*		
Nadležno kontrolno tijelo*		
Naziv posrednika*		
Puna adresa (naziv ulice i broj, mjesto/grad i poštanski broj, država)*		
Telefon, faks, e-mail*		
Naziv oznake za registraciju		
Vrsta oznake	oznaka porijekla*	
	geografska oznaka*	
Tradicionalni izraz koji se navodi uz naziv oznake porijekla ili geografske oznake		
Vrsta proizvoda od grožđa		
Opis proizvoda (analitička i organoleptička svojstva)		
Posebni enološki postupci (neobavezno)		
Razgraničenje geografskog proizvodnog područja		
Maksimalni prinosi po hektaru		

Glavne sorte vinove loze upotrijebljene u proizvodnji	
Povezanost s geografskim područjem (<i>opisati poseban kvalitet proizvoda, ugled i dr. karakteristike koje se mogu pripisati tom geografskom porijeklu</i>)	
Veća ili manja geografska cjelina (<i>neobavezno</i>)	
Dodatni objektivni zahtjevi i uslovi Udruženja, koje će koristiti zaštićenu oznaku (<i>neobavezno</i>)	
Upućivanje na objavu Specifikacije proizvoda	

** precrtati nepotrebno*

Obrazac 3

ZAHTJEV ZA IZMJENU SPECIFIKACIJE PROIZVODA S OZNAKOM PORIJEKLA ILI GEOGRAFSKOM OZNAKOM

Datum prijema (DD/MM/GGGG) (<i>popunjava nadležna institucija</i>)	
Broj stranica (<i>max. 5 uključujući ovu stranicu</i>)	
Jezik na kojem se podnosi zahtjev*	
Djelovodni broj (<i>popunjava nadležna institucija</i>)	
Posrednik	
Država*	
Nadležno kontrolno tijelo*	
Naziv posrednika	
Puna adresa (naziv ulice i broj, mjesto/grad i poštanski broj, država)	
Telefon, faks, e-mail	
Naziv oznake koja je predmet zahtjeva	
Vrsta oznake (<i>oznaka porijekla ili geografska oznaka</i>)	
Stavka Specifikacije na koju se primjenjuje izmjena	
Zaštićeni naziv*	
Opis proizvoda*	
Primijenjeni enološki postupci*	
Geografsko područje*	
Prinos po hektaru*	
Korišćene sorte vinove loze*	
Povezanost s geografskim područjem*	
Nazivi i adrese kontrolnih tijela*	
Ostalo*	
Izmjena	
Izmjena Specifikacije proizvoda koja ne zahtijeva izmjenu Jedinstvenog dokumenta*	
Izmjena Specifikacije proizvoda koja zahtijeva izmjenu Jedinstvenog dokumenta*	
Manja izmjena*	
Veća izmjena*	
Obrazloženje izmjene	
Izmijenjeni Jedinstveni dokument (na zasebnom listu)	
Naziv potpisnika	
Potpis	

**precrtati nepotrebno*

ZAHTEJEV ZA KONVERZIJU ZAŠTIĆENE OZNAKE PORIJEKLA U GEOGRAFSKU OZNAKU

Datum prijema Zajtjeva (DD/MM/GGGG) (popunjava nadležna institucija)	
Broj stranica (uključujući ovu stranicu)	
Jezik na kojem se podnosi zahtjev*	
Djelovodni broj (popunjava nadležna institucija)	
Podnosilac Zajtjeva	
Ime fizičkog lica ili naziv pravnog lica	
Puna adresa (naziv ulice i broj, mjesto/grad i poštanski broj, država)	
Državljanstvo*	
Pravni status, veličina i sastav (u slučaju pravnog lica)	
Telefon, faks, e-mail	
Posrednik	
Država*	
Nadležno kontrolno tijelo*	
Naziv posrednika	
Puna adresa (naziv ulice i broj, mjesto/grad i poštanski broj, država)	
Telefon, faks, e-mail	
Naziv geografske oznake za registraciju	
Dokaz zaštite geografske oznake na nacionalnom nivou*	
Broj i datum prethodne registracije oznake porijekla*	
Vrsta proizvoda od grožđa	
Specifikacija proizvoda (na zasebnom listu)	
Broj strana	
Ime(na) potpisnika	
Potpis(i)	

*precrtati nepotrebno

ZAHTEJEV ZA ZAŠTITU TRADICIONALNOG IZRAZA

Datum prijema (DD/MM/GGGG) (popunjava nadležna institucija)	
Broj stranica (max. 5 uključujući ovu stranicu)	
Jezik na kojem se podnosi zahtjev*	
Djelovodni broj (popunjava nadležna institucija)	
Podnosilac Zajtjeva	
Nadležno tijelo*	
Reprezentativna strukovna organizacija*	
Puna adresa/-e (naziv ulice i broj, mjesto/grad i poštanski broj, država)	
Pravni subjekt (samo u slučaju reprezentativne strukovne organizacije)	
Državljanstvo	
Telefon, faks, e-mail	
Tradicionalni izraz (predmet zajtjeva)	
Tradicionalni izraz koji se navodi u skladu sa članom 28, stav 1, alineja 1 Zakona o vinu „Sl. list CG“ 41/2016) *	
Tradicionalni izraz u skladu sa članom 28, stav 1, alineja 2 Zakona o vinu „Sl. list CG“ 41/2016) *	
Jezik	Na službenom jeziku zemlje iz koje izraz potiče ili na službenom jeziku koji se koristi u EU*
	Na jeziku koji se koristi za taj izraz u trgovini*
Vrste proizvoda od grožđa	
Popis zaštićenih oznaka porijekla ili zaštićenih geografskih oznaka uz koje se koristi predmetni tradicionalni izraz	
Definicija tradicionalnog izraza	
Primjerak pravila	
Ime(na) potpisnika	
Potpis(i)	

*precrtati nepotrebno